



重濬孟瀆等三河全案卷一

江蘇巡撫臣陶澍跪

奏再臣查蘇松常鎮太倉四府一州地方縱橫不過五

六百里而錢漕各項歲需二三百萬因其地濱江河  
且灌且洩旱潦無虞是以地雖小而賦稅足供詎自  
數十年來河道淤塞田畝每致歉收如道光三年水  
災其明驗也公私傷損至今元氣未復是水利一事  
於東南財賦之區尤爲切要前於道光七年八月欽  
奉

諭旨令臣會同督臣籌款挑濬其時已將吳淞江挑工議



請於七年平糶緩漕米價銀內借動銀二十六萬五千餘兩勘估興工旋於八年二月工竣仰蒙

恩旨將所借平糶緩漕米價銀兩卽作爲挑濬吳淞江經費就款開銷其劉河白茆孟瀆等處並經臣等於收

工摺內附片聲明分年籌辦嗣於八年十二月議請借糶七年徵贖及八年帶徵緩漕挑濬劉河攤徵完款經部議駁查劉河工費較鉅估需銀三十餘萬別無閒款可籌是以覆議暫緩興工惟該處係三江之一爲蘇太等屬農田水利蓄洩最要之區勢難久任淤墊並查孟瀆一河地在常州其水從武進縣東北

大江邊引納潮汐逶迤數十里至縣西北之奔牛閘地方入運與丹陽下游河水會合每遇上游徒陽運河興挑官民及商貨船隻均由孟瀆河通江出入下達蘇杭上達鎮江實爲京口徒陽河道之副而常屬武陽等縣農田之蓄洩尤以此河爲關鍵自嘉慶二十年後久未挑濬湮塞不通一遇徒陽築壩興工江廣船來無路可入動須遶道海口險遠難行蘇常等屬每至無米接濟而本地農田焦涸或須戽水於數里十數里外以資灌溉實係民商交困亦係萬不可緩之工現在各屬緩漕米石除搭運三成及撥補災

缺兵米外約計尙賸米十數萬石因運河枯淺議請  
留省糶變仰懇

天恩暫借爲劉河孟瀆河挑濬工用一體攤徵歸款除飭  
司道確勘估計臣仍親往履勘另請  
奏辦外合先附片陳明伏乞

聖鑒訓示謹

奏

道光十年正月初四日附片具

奏二月初四日奉到

硃批覽欽此

兩江總督臣陶澍護理江蘇巡撫江蘇布政使臣梁章鉅跪

奏爲勘估武進縣境水利工程借動籌備銀款乘時興

挑以資利賴仰祈

聖鑒事竊照蘇省劉河孟瀆等河日久淤墊亟應興挑經

臣陶澍於道光八年吳淞江收工摺內附片陳明本

年正月因緩漕米石除搭運外賸米十數萬石運河

枯淺難以全行帶運請留蘇糶變暫借爲挑濬劉河

孟瀆河之用攤徵歸款

奏蒙

俞允嗣於覆奏緩漕分別搭運糶變數目摺內聲明孟瀆



河及相近之德勝河澡港河多有淤塞應須一併辦理或與劉河同時並舉或先後興挑熟籌妥議另行奏辦於本年閏四月間

奏蒙

聖鑒在案查常州府屬武進縣境運河之北有孟瀆德勝澡港三河皆南通運河北達大江旱則引江潮以濟運灌田并可直達無錫金匱宜興荆溪各縣以資接濟如遇水潦卽宣導入江不致壅溢爲患實爲各屬水利要道惟孟瀆河自嘉慶二十年興挑德勝河自嘉慶十一年興挑後均已湮塞不通澡港河自乾隆

三十年挑辦至今已越六十餘年亦久經淤墊經

臣

陶澍暨

臣

梁章鉅先後親往勘明數十里之遙並無

江潮灌輸水泉滋潤現在農田受困民望孔殷實爲

刻不可緩之工較之劉河尤應先行興辦茲據署蘇

州布政使衍慶常鎮道劉名載會詳據調署常州府

知府趙光祿武進縣知縣程士偉陽湖縣知縣廖鴻

苞確勘得孟瀆一河估需土方夫工例價津貼連壩

座工料共銀一十三萬四千五百七十兩零又因孟

河舊口漲有老沙難於開挖改開超瓢港出口通江

應行挖廢沙田拆移草房遷讓墳地共需銀二千九

重刊五續等三河全錄 卷一  
百六十三兩零並於孟河中間添建閘座需銀一萬八千八百六十二兩零又德勝河估需例價及津貼等銀三萬六千九百三十九兩零澡港河估需例價及津貼等銀一萬三千三百八十三兩零以上三河共需工費銀二十萬六千七百餘兩選舉董事余保純等分段領銀挑辦官爲稽察所需工費銀兩議請分作十成照康熙十九年鄰縣協濟成案歸於武進陽湖無錫金匱宜興荆溪六縣攤徵內武進陽湖二縣共攤五成無錫金匱宜興荆溪四縣分攤五成各分限十年按照條銀徵還歸款並據各該縣以輿情

允洽出具印結詳送司道覆加查勘委無浮冒查糶變緩漕米價已據各屬全數解存司庫銀二十六萬餘兩所有挑濬孟瀆德勝澡港三河工費銀二十萬六千七百餘兩卽請於米價銀內按數借給分作十年攤徵還款買米搭運仍俟工竣將用過銀兩造冊報銷至此次挑河工程較大在工委員人等以及挑夫搭棚等項一切雜費應請循照歷辦成案在於工價內每兩扣平五分爲經費之用詳請具

奏前來臣等查現準戶部咨稱各項工程概行停止不得奏請興修惟武進縣孟瀆德勝澡港三河淤塞已



久先經奏明係不可緩之工且所借米價將來須攤徵歸款並非動項開銷業已籌備銀款欽奉

允準與部行停工之後奏請者有間仰懇

皇上天恩俯準仍行舉辦乘此冬令興工所有估需工費等項銀二十萬六千七百餘兩經<sub>臣</sub>等細加覆覈實無浮冒應請卽於

奏準緩漕米價銀內動支借給飭令該地方官督率董事實力興辦<sub>臣</sub>等督飭司道等隨時查察俟工竣後親臨驗收務使工不虛糜銀歸實用以仰副

聖主惠徧農田永資利賴之至意所借銀兩應如府縣所

議循照舊案歸於武進陽湖無錫金匱宜興荆溪六縣分別攤徵歸款容另取估計攤徵各冊結分別題咨至此此外尙餘米價銀五萬餘兩應照

奏定之案存俟籌辦劉河湊借工用所有先行估挑武進縣孟瀆等河及借動銀數緣由謹合詞恭摺具

奏伏乞

皇上聖鑒訓示謹

奏

道光十年十月十八日具

奏本年十一月二十日奉

硃批另有旨欽此同日奉到道光十年十一月初六日內閣奉

上諭陶澍等奏勘估武進縣境水利工程借動籌備銀款一摺江蘇武進縣境孟瀆德勝澡港三河日久淤墊亟應興挑前經該督等奏明係刻不可緩之工業已籌備銀款與部行停工之後奏請者有間著照所請所有估需工費等項銀二十萬六千七百餘兩準其在於奏準緩漕米價銀內動支借給該督等即飭令該地方官督率董事實力興辦並飭司道等隨時查察務使工不虛糜銀歸實用工竣該督等親往驗收所借銀兩著循照

舊案歸於武進等六縣分別攤徵歸款此外尙餘米價銀五萬餘兩存俟籌辦劉河湊借工用該部知道欽此



兩江總督臣陶澍江蘇巡撫臣程祖洛跪

奏再常州府屬武進縣境內運河之北有孟瀆德勝澡  
港三河係引江潮濟運灌田之要道因年久湮塞江  
潮未能灌輸以致農田受困運道淺滯經臣陶澍前  
護撫臣梁章鉅先後親往勘明必需及時挑濬估需  
工費銀二十萬六千七百餘兩借動糶變緩漕米價  
銀兩分年攤徵還款於上年十一月奏蒙

俞允當卽轉飭該府縣督率董事分段領銀挑辦並飭司  
道隨時查察在案嗣據報定期開工人夫甫經下塘  
卽值雨雪連綿自上年十二月至本年正月河內積

水盈滿實屬人力難施直至二月初旬天時晴霽先將工段較短之德勝澡港兩河多集夫車趕緊戽涸如式興挑勒限趕辦臣程祖洛到任後復卽催飭認真辦理惟孟瀆河工段最長淤墊最甚現在河內積水至六七尺之深連日雨猶未止車戽不易轉瞬卽交夏令夫役亦須歸農體察情形實屬工程艱鉅若責令趕辦必致草率從事應請緩至本年秋後農隙之時接續興挑一律完工以期費不虛糜用昭慎重理合附片陳明伏乞

聖鑒謹

奏

道光十一年三月二十六日附片具

奏四月十八日奉到

硃批另有旨欽此同日奉到道光十一年四月初八日內閣奉

上諭陶澍等奏緩挑孟瀆河等語江蘇孟瀆德勝澡港三河前經該督等懇請動項興挑茲據奏稱德勝澡港兩河現經勒限趕辦惟孟瀆河工程艱鉅一交夏令夫役亦須歸農著照所請準其緩至本年秋後接續挑辦一律完工毋許草率偷減該部知道欽此



兩江總督臣陶澍江蘇巡撫臣程祖洛跪

奏再常州府屬武進縣境內孟瀆德勝澡港三河係濟  
運要道前經臣陶澍在巡撫任內

奏準於緩漕米價銀內動支借給於道光十年冬開工  
興挑因雨雪連綿河水盈滿至十一年二月始克驅  
夫下宕先將工段較短之德勝澡港兩河興挑其孟  
瀆河工長淤甚未能同時並挑

奏準緩至十一年秋後接續興辦嗣據承挑之武進陽  
湖二縣詳報德勝澡港兩河挑至七分工次適值春  
雨兼旬上游水發灌注滿河下游煞壩水無去路淹

直隸通志卷之三河全案 卷一  
及田廬不得不將尾壩啟放時已農忙即使天氣晴  
霽亦難趕辦等情臣等查係實在情形當飭俟秋後  
農隙與孟瀆河一併接挑在案嗣交冬令積水未消  
無從施工行據蘇州藩司梁章鉅轉據該縣等詳報  
覆查該河原估雖皆覈實而自上年挑工未竣被水  
衝刷之後今昔情形微有不同應將各河口底寬深  
丈尺覆加確勘或尙可以節省

帑項現在春水方長潮汐日旺上年春工半塗而廢不  
敢再行冒昧從事請乘此停工之時將應行增減工  
段覆加勘定俟本年秋後興挑等情由該藩司覆覈

請

奏前來臣等查孟瀆德勝澡港三河未挑工段既有今  
昔情形不同尙須覆勘之處自應暫緩挑辦以重  
帑項而昭覈實除飭該府縣乘此停工之際將各河口  
底寬深丈尺應增應減之處覆勘造冊繪圖通詳俟  
本年秋後農隙卽行挑辦不得再行藉緩外合再附  
片陳明伏乞

聖鑒謹

奏

道光十二年三月十三日具



奏四月十七日奉到

硃批知道了欽此

兩江總督臣陶澍江蘇巡撫臣林則徐跪

奏為武進縣境內孟瀆德勝澡港三河挑工完竣驗收  
如式並請將節省銀兩發典生息以備歲挑經費仰  
祈

聖鑒事竊照常州府屬武進縣有孟瀆德勝澡港三河北  
達大江南通運河係引納潮汐接濟漕運兼以灌溉  
民田之要道如遇水潦亦由該三河宣洩入江以免  
壅溢為患前因年久湮塞以致稻田乾涸運道淺滯  
經臣陶澍暨前護撫臣梁章鉅先後親往勘明必應  
及時挑濬估需土方工價并添建閘座空廢沙田拆

移草房遷讓墳地共銀二十萬六千七百餘兩借動糶變緩漕米價分年攤徵還款於道光十年十月內奏奉

上諭著照所請所有估需工費等項銀二十萬六千七百餘兩準其在於奏準緩漕米價銀兩動支借給該督等即飭令該地方官督率董事實力興辦並飭司道等隨時查察務使工不虛糜銀歸實用工竣該督等親往驗收所借銀兩著循照舊案歸於武進等六縣分別攤徵歸款此外尙餘米價銀五萬餘兩存俟籌辦劉河湊借工用該部知道欽此當即轉飭該府縣督率董事分段

領銀實力挑辦緣值雨雪連綿至十一年二月先將德勝澡港兩河興挑其孟瀆河工長淤甚未能同時並舉經臣陶澍會同陞任撫臣程祖洛

奏準緩俟是年秋後接續興辦迨德勝澡港兩河挑至七分工次又值江潮異漲直至冬令積水未消不能施工而該三河被水衝刷之後情形微有不同應將各河口底寬深丈尺覆勘減估以歸撙節又經

奏準俟十二年秋後再行興辦臣林則徐自上年到蘇後疊催司道府縣督同委員董事等將各河未挑工段應行增減之處覆勘定議與臣陶澍會覈僱辦於



上年十月接續開工復值雨雪連綿工程倍為費力  
直至今年四月間始報通工挑竣其應建閘座亦據  
購料興建一律完工臣陶澍現駐清江未及會驗臣  
林則徐當與藩司陳鑾先後親往驗收查覈該三河  
工段內孟瀆河南段自奔牛鎮萬緣橋運河口起至  
小河口及北段石橋灣河口起至塔山壩隄并孟永  
洲至丹陽縣六沙大圩超瓢港江口止其河長一萬  
三千六百十六丈三尺估挑口寬六丈至十二丈底  
寬二丈至四丈五尺挑深六尺至一丈二尺五寸不  
等又德勝河自運河連江橋進口起至江口止河長

七千四百四十四丈五尺五寸估挑口寬四丈至十  
丈底寬一丈六尺至四丈挑深三尺四寸至七尺五  
寸不等又澡港河自燕子河工首起至江口止河長  
五千四百四十八丈四尺估挑口寬三丈五尺至十  
丈底寬一丈四尺至六丈挑深一尺至六尺不等按  
照估冊逐段量明丈尺均已如式並據稟報孟河段  
內挑出江船一隻船身量長三丈有餘驗明係久湮  
河底歷屆挑河未經挖出之陳物該處土人交相歎  
異其閘工自頂至底逐一驗量亦俱堅固並無草率  
偷減惟附近岸灘間有堆貯河泥業經飭令剷撈淨

盡翻貯遠處以免坍塌入河隨令開壩放水測探三河水勢自五六尺至八九尺均係一律深通溯查該三河距前屆興挑之時遠者垂七十年近者亦二十載均因淤沙漸積湮塞不通運道農田交受其累仰蒙  
聖恩準其借款疏濬民辦官稽毫不假手吏胥一清挑河積弊統計孟瀆德勝澡港三河開挑工段共長二萬六千四百餘畝其陽湖無錫金匱宜興荆溪各縣亦各分沾其利從此運道無虞淺阻而農田亦免旱澇之傷藉以仰副

皇上惠溥羣黎永資利賴之至意惟該河岸土鬆浮每易坍塌加之往來潮汐不免沙積淤停仍須間年擇段疏挑俾河身永臻通暢此項工費民力不能屢捐亟應預爲籌備查三河原估銀二十萬六千七百餘兩現在通工用過土方夫工料物等項共銀一十八萬九千六百六十七兩八錢七分六釐又添車戽雨水實用水方夫工銀六千九百三十四兩五錢六分四釐較原估計節省銀一萬一百二十二兩二錢一分二釐應請仍照原估銀數攤徵歸款卽以此項節省之銀歸於武進陽湖二縣發典按月一分生息將息



直隸通志卷之三  
銀解存司庫作爲該河歲修經費俾得間年擇段疏濬永不停淤似於

國計民生兩有裨益至孟瀆河超瓢港新口及護城河各處空廢民田雖已給發價值但已成廢地自應飭令查明字號畝數將額完課銀詳請咨部豁除庶民間免受虛糧之累除催取估計攤徵各冊結及應豁空廢田畝錢糧數目分別

題咨外所有驗收挑工緣由謹合詞恭摺具

奏伏乞

皇上聖鑒謹

奏

道光十三年六月初十日具

奏七月十六日奉到

硃批另有旨欽此同日奉到道光十三年六月二十六日  
內閣奉

上諭陶澍等奏驗收武進縣境內三河挑工並籌備歲挑經費一摺江蘇常州府屬武進縣孟瀆德勝澡港三河據該督等奏稱通工挑竣驗收如式惟該河身尚須間年擇段疏挑俾資通暢此項工費民力不能屢捐自應預爲籌備所有原估銀二十萬六千七百餘兩除現在

通工用過工費等項銀兩外計節省銀一萬一百二十  
二兩零著照所請準其仍照原估銀數攤徵歸款卽以  
此項節省之銀歸於武進陽湖二縣發典生息將息銀  
解存司庫作爲該河歲修經費俾運道農田永資利賴  
其孟瀆河超瓢港新口及護城河各處空廢民田著查  
明字號畝數將額完課銀咨部豁除以省虛糧之累該  
部知道欽此

兩江總督

臣

陶澍江蘇巡撫

臣

林則徐跪

奏爲查明挑濬孟瀆等河工程繁鉅謹將尤爲出力之  
官紳董事分別奏懇

天恩量加獎勵仰祈

聖鑒事竊照武進縣境內孟瀆德勝澡港三河挑工並建

設閘座一律完竣經

臣

林則徐與藩司陳鑾先後親

往驗收並無草率偷減除另摺

奏報外伏查該三河挑工先經

臣

陶澍會同前護撫

臣

梁章鉅

奏明選舉董事余保純等分段領銀挑辦官爲稽察通



計三河工段共有二萬六千餘丈之多挑深六七尺至丈餘不等港汊叢雜道路綿長自道光十一年二月開工以來疊爲雨水所阻上年十月續行興辦偏值冬春兩季雨雪連綿復歷半載有餘始得一律全完驗明如式其間官員紳董辛苦賠累之處實有數倍於他工者緣該處土性多係澇淤與徒陽運河之猪婆灘等工情形相似河心甫濬泛沙復涌而上浮邊土削齊坍塌旋傾而下積鑿冰則晝開夕合滲水則暮辱朝盈是以一段之工有復挑三四五次始能勻淨者且當雨雪連綿之際惟冀待霽施工通工人

夫不敢任其散去逐日計口授食爲時愈久則所費愈多在董事不能無賠貼之夫工而官員尤不能無捐資之犒賞然各急公踴躍効命忘勞俾利溥於百年而功成於衆志查自道光十年至今在事各員內除前任藩司梁章鉅桂良署任藩司額騰伊現任藩司陳鑾皆經籌議周詳督催盡力但係藩司大員均不敢仰邀議敘外其府縣以下及承辦之紳衿董事於節次勞累之中俱能實力實心工成效著似應酌加獎勵以勸勞績而順輿情茲據蘇州藩司陳鑾查明出力官紳董事開摺詳請具

奏前來臣等查道光八年挑辦吳淞江案內仰蒙

恩準陞用者十一員儘先選補者五員從優議敘者十三

員此次孟瀆德勝澡港三河工次人數衆多惟當力

加刪減未敢多登薦牘謹擇其最爲出力者開具清

單恭呈

御覽可否仰懇

天恩量加鼓勵之處出自

聖主鴻施此外出力稍次人員由臣等在外分別記功給

獎理合恭摺具

奏伏乞

皇上聖鑒訓示謹

奏

謹將挑竣孟瀆德勝澡港三河及閘座工程尤爲出

力之官員董事註明實蹟分別開單恭呈

御覽

計開

印委各員

常州府知府汪河署武進縣事金壇縣知縣姚瑩

以上府縣二員該府汪河督籌率作悉協機宜該縣

姚瑩總理三河認真激勸均屬殫心竭慮備著勤勞



直隸河渠志卷一  
惟究係地方應辦之事不敢遽請陞用應請交部從優議敘

署常州府總捕通判試用同知高煥  
該員督辦孟瀆河自備資斧常川駐工任怨任勞實心催辦查該員有補官日因公降一級處分應請開復處分歸本班儘先補用

常州府照磨羅在爵宜興縣丞汪仁金匱縣望亭巡檢張訓遙宜興縣下邳巡檢管兆蕃

以上四員羅在爵分催澡港河工段兩次開挑疊遭雨雪該員一手經理悉臻妥協汪仁總催孟河北段

爲全河最要之工催辦有方勸懲得法張訓遙分催小河江口工段淤沙涌出挑挖最難又督辦閘工辛勤獨久管兆蕃分催孟河工段雨夜在工不辭勞瘁請以應陞之缺儘先陞用

試用主簿吳城沈之彥

該二員所催孟河工段挑挖綦難催辦認真較分段諸員勤勞尤著請以本班儘先補用在工董事

前任廣東南雄直隸州知州余保純

該員係武進縣人由嘉慶七年進士籤掣廣東以知

縣卽用題補高明縣知縣拏獲積年逸犯多名奏準  
畱於廣東以同知直隸州陞用先換頂戴旋調番禺  
縣知縣

大計卓異

奏準陞補南雄直隸州知州嘉慶二十四年呈請終養  
回籍道光八年丁母憂十年服滿因開挑孟瀆等河  
奏明選舉該紳爲董事總理三河全局任勞任怨籌  
畫精詳善始圖終悉臻妥協實爲董事中第一出力  
之員查該員素裕吏才在粵東官聲久著可否邀  
恩陞用抑或

賞加知府銜之處恭候

聖裁

文舉人言啟方

該舉人係武進縣人中式道光辛巳科順天鄉試與  
余保純在籍同辦挑工分任勤勞查從前海運案內  
崇明縣舉人施彥士奏準以知縣用今該員在事出  
力未敢率照知縣請獎可否酌用教職以示鼓勵  
候選州吏目趙焜未入流朱鑑泉

該二員董事在工勸督人夫均極認真出力趙焜係  
酌增事例捐納州吏目朱鑑泉係酌增事例捐納未



入流應請飭令照例捐足分發籤掣省分試用期滿  
儘先補用

議敘從九品職銜巢遇良

該職員經理通河挑工首先出力始終其事最耐勤  
勞查從前海運案內船商費元輝由監生加給六品  
頂帶今該職員本係從九品職銜承辦挑工不遺餘  
力可香援案加給六品職銜以示鼓勵

道光十三年六月初十日具

奏七月十六日奉到

硃批另有旨欽此同日奉到道光十三年六月二十六日

內閣奉

上諭陶澍等奏挑濬孟瀆等河工竣請將出力之官紳董  
事分別獎勵一摺江蘇武進縣境內孟瀆德勝凜港三  
河挑工並建設閘座一律完竣所有出力之官紳董事  
等應量予恩施常州府知府汪河署武進縣事金壇縣  
知縣姚瑩俱著加恩交部從優議敘署常州府總捕通  
判試用同知高煥著將降一級處分開復歸本班儘先  
補用常州府照磨羅在爵宜興縣丞汪仁金匱縣望亭  
巡檢張訓遙宜興縣下邳巡檢管兆蕃俱著以應陞之  
缺儘先陞用試用主簿吳城沈之彥俱著以本班儘先

補用前任廣東南雄直隸州知州余保純著賞加知府銜舉人言啟方著以教職用候選州吏目趙焜未入流朱鑑泉俱著捐足分發籤掣省分試用期滿儘先補用議敘從九品職銜巢遇良著加給六品職銜以示鼓勵該部知道欽此

謹將挑濬孟瀆德勝澡港三河并建閘築壩戽水各工長寬高深丈尺需用銀數開具清單恭呈

御覽

計開

孟瀆河南段自奔牛鎮萬緣橋運河口起至小河口

及北段石橋灣河口起至塔山壩隄并孟永洲至丹陽縣六沙大圩超瓢港江口止河長一萬三千六百一十六丈三尺內估挑各橋金門寬二丈至二丈七尺深七尺五寸至一丈二尺挑河口寬六丈至十二丈底寬二丈至四丈五尺深六尺至一丈二尺五寸共估

瓦礫土三萬七千三十八方四釐每方銀三錢共銀一萬一千一百一十一兩零

淤土六萬九千六百二十八方一分每方銀二錢七分二釐共估銀一萬八千九百三十八兩零



乾土五十七萬二千九百五十九方二分每方銀一錢六分共銀九萬一千六百七十三兩零

以上挑河共估土方銀十二萬一千七百二十

三兩零

奔牛鎮運河口築攔河排椿月壩一道週長三十二

丈壩內填土頂寬八尺底寬一丈二尺高深一丈

下塘駱駝橋河口等處估築土壩十二道共長六十

丈六尺頂寬六尺底寬一丈二尺高深六尺

小河江口築攔潮椿壩一道長二十七丈壩內填土

頂寬二丈底寬四丈高深一丈二尺

北段河塔山外築土壩一道長二十丈頂寬四尺底

寬八尺高深二丈

超瓢港口築攔潮椿壩一道長二十七丈壩內填土

頂寬一丈五尺底寬三丈高深一丈

護城河南口北口各築土壩一道共長十四丈頂寬

一丈底寬二丈高深一丈

以上築壩共銀一千五百三十六兩零

孟瀆河挑河築壩共用銀一十二萬三千二百六十

兩零

孟瀆河內建造石閘一座金門口寬二丈三尺由身

直長三丈二尺上雁翅各斜長三丈六尺上迎水  
連裏頭各長七丈六尺下雁翅各斜長三丈六尺  
下分水連裏頭各長七丈六尺兩牆共長五十一  
丈二尺砌石十五層高一丈八尺前工估築攔水  
壩二道共長二十四丈頂寬一丈底寬二丈高深  
一丈共用工料銀一萬八千八百六十一兩零

孟瀆河超瓢江新口及護城河各處應行挖廢沙田  
拆移草房遷讓墳地共用銀三千二百五十一兩  
零

德勝河自運河連江橋進口起至江口止共河長七  
千四百四十四丈五尺五寸內挑各橋金門寬一  
丈三尺至二丈五尺深三尺四寸至七尺五寸挑  
河口寬四丈至十丈底寬一丈六尺至四丈深三  
尺四寸至七尺五寸共估

瓦礫土二千六百七十五方五分一釐七毫每方銀  
三錢共銀八百二兩零

淤土五萬五千七百四十一方一分六釐五毫每方  
銀二錢七分二釐共銀一萬五千一百六十一兩  
零

乾土九萬三千三百九十四方二分二釐三毫每方



銀一錢六分共銀一萬四千九百四十三兩零

以上挑河共估土方銀三萬九百七兩零

德勝河工頭連江橋外估築攔水壩一道長十二丈

頂寬四尺底寬一丈高深一丈

新溝河口等處共築土壩十二道共長三十四丈頂

寬三尺底寬六尺高六尺

河尾築攔江大壩一道長二十丈頂寬五尺底寬一

丈五尺高深一丈

以上築壩共銀一百五十四兩零

德勝河挑河築壩共用銀三萬一千六十一兩零

灤港河自燕子河工首起至江口止其河長五千四

百四十八丈四尺內挑各橋閘金門寬五尺至二

丈四尺深一尺五寸至六尺挑河口寬三丈五尺

至十丈底寬一丈四尺至六丈挑深一尺至六尺

共估

瓦礫土四百十八方五分一釐每方銀三錢共銀一

百二十五兩零

淤土二萬二千五百二十七方八分七釐每方銀二

錢七分二釐共銀六千一百二十七兩零

乾土四萬二千八百五十一方三分八毫每方銀一

錢六分共銀六千八百五十六兩零

以上挑河共估土方銀一萬三千一百九兩零  
澡港河工頭築攔水壩一道長六丈頂寬一丈底寬  
二丈高深一丈

橫河口等處築土壩七道共長十九丈五尺頂寬六  
尺底寬一丈二尺高深六尺

河尾築攔江壩一道長七丈頂寬一丈底寬二丈高  
深一丈

以上築壩共銀一百二十三兩零

澡港河挑河築壩共用銀一萬三千二百三十二兩

零

挑濬孟瀆德勝澡港三河并建閘築壩等項共  
用過土方夫工料物銀一十八萬九千六百  
六十七兩零係照江防廳例價覈估理合聲

明

孟瀆河車戽雨水工長五千六百五十七丈六尺三  
寸牽寬五丈牽深三尺五寸共水方九萬九千八  
方五分二釐五毫每方銀三分共銀二千九百七  
十兩零

德勝河車戽雨水工長六千三百七十一丈五尺二



寸牽寬三丈牽深三尺三寸三分其水方六萬三千六百五十一方五分二釐每方銀三分共銀一千九百九兩零

澡港河車戽雨水工長四千七十六丈九尺一寸牽寬三丈五尺牽深四尺八寸共水方六萬八千四百九十二方八釐每方銀三分共銀二千五百四兩零

以上三河車戽雨水共用夫工銀六千九百三十四兩零係照江防廳例價覈估合併聲明  
道光十四年七月二十二日具

奏八月二十五日奉到

硃批工部知道單併發欽此

工部爲題估江蘇省武進縣挑挖孟瀆德勝澡港三河并築壩建閘等工需用銀兩冊造不符應令查明聲覆事都水司案呈工科抄出江蘇巡撫林則徐等題武進縣道光十三年挑挖孟瀆德勝澡港三河並築壩建閘等工需用銀兩造冊題報銷案道光十四年十月二十四日題十五年正月二十二日奉旨該部察覈具奏欽此欽遵抄出到部該臣等查得江蘇巡撫林則徐疏稱武進縣境內孟瀆德勝澡港三河前因年久淤塞奏奉

諭旨借項興挑分年攤徵還款當經札飭覈實興辦工竣



經臣親往驗收並令將實需工料及築壩建閘等項銀數造冊詳題去後今據蘇州布政使陳鑾常鎮通海道李彥章會詳稱武進陽湖二縣開挑孟瀆河連溧港三河并築壩建閘戽水各工原估銀二十萬六千七百二十四兩六錢五分二釐內開挑孟瀆河連壩座工料估需銀一十二萬三千二百六十兩五錢七分九釐七毫孟河超瓢港新口及護城河各處挖廢民田拆移房閒墳地估需銀三千二百五十一兩五錢八分八釐三毫孟河內中間添建石閘一座估需銀一萬八千八百六十一兩八錢五分九釐又得

勝河連築壩等工估需銀三萬一千六十一兩四錢五釐又溧港河連築壩等工估需銀一萬三千二百三十二兩四錢四分四釐又三河車戽雨水估需水方夫工銀六千九百三十四兩五錢六分四釐通共實需銀一十九萬六千六百二兩四錢四分較原估共計節省銀一萬一百二十二兩二錢一分二釐所有節省銀兩業經飭發常州府領回發典生息按年提貯司庫作爲歲修之用轉造冊圖詳請具題并聲明飭取攤徵年限銀數冊另詳請咨等情臣覆覈無異除冊圖送部查覈外謹會同兩江總督臣陶澍合



詞具題等因前來查江蘇省武進縣道光十三年挑  
挖孟瀆德勝澡港三河並築壩建閘等工先據兩江  
總督陶澍等奏明常州府屬武進縣孟瀆得勝澡港  
三河皆南通運河北達大江旱則引江潮以濟運灌  
田如遇水潦卽宣導入江不致壅溢爲患實爲各屬  
水利要道惟挑辦至今均已於墊現在農田受困民  
望孔殷實爲刻不可緩之工等因並將所做工長寬  
深丈尺銀數開具清單奏報在案今據江蘇巡撫林  
則徐等將武進縣挑挖孟瀆河長一萬三千六百十  
六丈三尺連築壩共需銀十二萬三千二百六十兩

五錢七分九釐七毫又挖廢民田拆移房間墳地需  
用銀三千二百五十一兩五錢八分八釐三毫又添  
建石閘一座需用銀一萬八千八百六十一兩八錢  
五分九釐挑挖得勝河長七千四百四十四丈五尺  
五寸連築壩共需銀三萬一千六十一兩四錢五釐  
挑挖澡港河長五千四百四十八丈四尺連築壩共  
需銀一萬三千二百三十二兩四錢四分四釐又三  
河車戽兩水需用銀六千九百三十四兩五錢六分  
四釐通共需用銀十九萬六千六百二兩四錢四分  
造冊題估臣部查係奏明之工應準其辦理惟查冊



開挑河並未將原舊河身寬深丈尺逐段開明無憑  
查覈應將原冊發還該撫轉飭據實查明聲覆造冊  
送部具題查覈至挖廢民田拆移房間墳地所需價  
銀係照何案開報應將準銷原冊隨案抄錄送部以  
憑稽覈道光十五年三月十七日題本月十八日奉  
旨依議欽此

工部爲題銷江蘇省武進縣境內挑挖孟瀆德勝澡  
港三河並築壩建閘等工用過銀兩與例相符應準  
開銷事都水司案呈工科抄出江蘇巡撫林則徐等  
題武進縣道光十二年挑挖孟瀆德勝澡港三河並  
築壩建閘等工用過銀兩造冊題銷一案道光十五  
年九月十五日題十一月十二日奉

旨該部察覈具奏欽此欽遵抄出到部該臣等查得江蘇  
巡撫林則徐疏稱道光十三年挑浚武進縣境內孟  
瀆德勝澡港三河估需土方壩工銀兩先經臣林則  
徐題準部覆應準其辦理行令將原舊河身寬深丈

尺逐段開明據實查明造冊送部具題查覈至空廢民田所需價銀係照何案開報應將準銷原冊隨案抄錄送部等因卽經轉行遵照查明造報去後今據蘇州布政使陳鑾常鎮通海道李彥章會詳稱武進陽湖二縣開挑孟瀆德勝澡港三河並築壩建閘岸水各工原估銀二十萬六千七百二十四兩零三河通共用過銀一十九萬六千六百二兩四錢四分較原估計節省銀一萬一百二十二兩零據該府縣查該三河前因年久淤墊勘估卽就舊河挑浚其原舊寬深丈尺久經淤塞無從查量開報所有舊存河形

丈尺已於冊內聲敘造報至空廢民田遷移草房墳塚價銀係照甘泉縣開挑瓦窰舖新河準銷之數給發相應抄錄原案開造報銷清冊由司轉造司冊詳題請銷臣覆覈無異除冊送部查覈外謹會同兩江總督臣陶澍合詞具題等因前來查江蘇武進縣道光十三年挑挖孟瀆德勝澡港三河並築壩建閘等工先據兩江總督陶澍等奏明並據江蘇巡撫林則徐等將需用銀兩造冊題估經臣部題覆準其辦理惟查冊開未將原舊河身寬深丈尺開明行令據實查明聲覆造冊送部具題查覈至空廢民田拆移房



開墳地所需價銀係照何案開報應將準銷原冊隨案抄送以憑稽覈在案今據該撫等將武進縣挑挖孟瀆河長一萬三千六百十六丈三尺并挖廢民田拆移房間墳地及建築石閘一座又挑挖德勝河長七千四百四十四丈五尺五寸又挑挖澡港河長五千四百四十八丈四尺通共連築壩戽水等工用過銀十九萬六千六百二兩四錢四分造冊題銷並據覆稱該三河前因年久淤墊勘估卽就舊河挑浚其原舊寬深丈尺久經淤塞無從查量所有舊存河形丈尺已於冊內聲敘造報至挖廢民田遷移草房墳

塚地價銀係照甘泉縣開挑新河準銷之數給發等因臣部查各該河旣據覆稱因年久淤墊無從查量所有寬深丈尺查與原奏清單相符至挖廢民田遷移草房墳塚價銀亦據聲稱係照甘泉縣開挑新河之數給發按冊查覈亦屬符合應準其開銷道光十六年二月初一日題本月初三日奉

旨依議欽此

Blank manuscript page with vertical columns.





